



07/7-AK-05-4-8156-1/10
Sarajevo, 18. maja 2010. godine

Parlamentarna skupština Bosne i Hercegovine
Predstavnički dom
n/p dr. Milorad Živković, predsjedavajući
Sarajevo, Trg BiH 1

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 20-05-2010			
Organizaciona jedinica	Klasifikaciona oznaka	Redni broj	Broj prijema
01/a	50-1-15	76	10

PREDMET: Odgovor na poslaničko pitanje, dostavlja se
Veza: vaš akt broj 01/a-50-1-15-76/10, od 27. aprila 2010. godine

U vezi sa navednim aktom, u prilogu dostavljamo odgovor na pitanje koje je poslanik gospodin Željko Kuzmanović uputio Ministarstvu vanjskih poslova Bosne i Hercegovine, a po pitanju razmatranja i zauzimanja stava Bosne i Hercegovine oko eventualnog uvođenja sankcija IR Iran.

MINISTAR
SVEN ALKALAV

- 1) Način rada Vijeća sigurnosti Ujedinjenih nacija (u daljem tekstu VS UN) po pitanju provedbe relevantnih rezolucija VS UN o neširenju nuklearnog naoružanja u IR Iran

Formalni sastanci VS UN-a po pitanju izvještaja Odbora 1737

- u skladu sa Članom 18. (h) rezolucije 1737 (2006), Predsjedavajući Odbora 1737, kojim, u sadašnjem sastavu VS UN, predsjedava Japan, dužan je da barem svakih 90 dana, VS UN-a dostavlja izvještaj;
- formalni sastanci VS UN su zatvorenog tipa i održavaju se u formi *briefing-a* Predsjedavajućeg Odbora 1737, nakon što se postigne dogovor na konsultacijama u formatu "P5 + 1" (pet stalnih članica VS UN i Njemačka).
- formalni sastanci VS UN se, također, redovito održavaju nakon što Generalni direktor IAEA podnese Izvještaj VS UN, odnosno nakon zasjedanja Odbora guvernera IAEA.
- rezolucije i predsjedničke izjave usvajaju se na formalnim sastancima
- Predsjednička izjava usvaja se konsenzusom svih članica VS UN, dok je za usvajanje rezolucije potrebno 9 glasova "ZA", pod uslovom da ni jedna stalna članica VS UN ne uloži veto.

Neformalne konsultacije u formatu P5 + 1 (EU3 + 3)

Stvarni pregovori i stavovi o Iranskom nuklearnom pitanju i eventualnom prijedlogu Predsjedničke izjave ili rezolucije VS UN dogovaraju se na zatvorenim konsultacijama u formatu P5+1, odnosno pet stalnih članica VS UN (Francuska, Kina, Ruska Federacija, SAD i Velika Britanija) i Njemačka, odnosno formatu EU 3 +3 (Francuska, Velika Britanija i Njemačka + Kina, Ruska Federacija i SAD). Ostale, nestalne članice VS UN se ne obavještavaju o pregovorima niti se uključuju u ovu vrstu konsultacija, sve do trenutka kada se postigne dogovor o nacrtu teksta rezolucije ili predsjedničke izjave u navedenim formatima.

2. Prema informacijama kojima raspolaže Ministarstvo vanjskih poslova Bosne i Hercegovine, konsultacije o eventualnom ubođenju dodatnih sankcija VS UN za IR Iran, u navedenim formatima, započete su u januaru 2010. godine. Obzirom da do danas, 18. maja 2010. godine, nije postignut dogovor oko prijedloga teksta nove rezolucije o sankcijama za IR Iran, Bosni i Hercegovini, kao nestalnoj članici VS UN nije dostavljen eventualni nacrt rezolucije, pa stoga Ministarstvo vanjskih poslova Vanjskih poslova BiH, nije ni bilo u poziciji da razmatra prijedlog i predloži stav na usvajanje Predsjedništvu Bosne i Hercegovine, instituciji naležnoj za donošenje odluka iz oblasti spoljne politike Bosne i Hercegovine, i u skladu sa Procedurom vezanom za aktivnosti Bosne i Hercegovine, nestalne članice, u Vijeću sigurnosti Ujedinjenih nacija.